



9





FOETUS EXILII QUARTUS

Continens

HEXASTICHA DOMINICALIA,

Cum quibusdam Miscellaneis;
VIRIS AMPLISSIMIS

*Doctrinâ, virtute, fide, plurimarumq; rerum usu, atq;
experientiâ spectatis: Dn. Dn.*

GEORGIO FRIDERICO
SCHWARZENBERGERO.
MARTINO MILAGIO.

ILLUSTRISSIMI PRINCIPIS AC
DOMINI,

Dn. CHRISTIANI Senioris, PRIN-
CIPIS ANHALDINI, COM: ASCAN:
DN. BERNB. ET SERV.

ILLI quidem, SECRETARIO.
HUIC, DIOECESIOS BERNB. PRÆFECTO. } Fideliss.

DICATUS

Ab ANDREA ROERELIO, olim Pöllingensis in
PALATINATU Ministro, nunc Nobiliss: ERLACHIA-
NÆ JUVENTUTIS Ephoro, Exule, P. C.

Cothenis Anhaltinorum. M. DC. XXVIII.

Ad doctrinâ, virtute plurimoq; rerum usu praestantissimos
Dn. GEORGIUM FRID: SCHWARZENBER-
GERUM.

Dn. MARTINUM MILAGIUM.

προς Κορινθια.

Tot mihi si numeres rutilantis pondera massae,
LYDORUM CROESO quanta fuisse ferunt;
Ingentes oculis conferrem cautus acervos
Pascendis, animo suavia ferula meo,
More peragrando regionum climata ULTSSIS,
Quod jubar irradiat Solis utroq; POLO.
Nam populos, Urbes, variorum discere mores,
In melius vitæ dirigit acta rudis.
At queror in vanum fuis sine pondere verbis;
Velle subest cordi, posse retardat opus.
Assandis tamen intentus pomisvè pyrisvè
Non latui ad patrios, mœnia chara, focos;
Sed quantum indulgit fors paupertina, videndis
Urbibus impendi quas modò TEUTO colit.
Non sanè in morem transèuntis fortè molossi
(Balnea, non-nullis moris ut esse liquet;
Sed composita tenet ἐξάστυχα qualibet, urbis
Ne premerem visæ fex sine fruge solum.
Multiplicata typis ea gestit honesta lubido
CANDIDA nominibus BIGA dicare tuis.
Quod quia munuscillum devotio mentis adornat,
Esto tibi gratum, sit levidense licèt.
Orbita fortunæ dum me rotat invida, jure
Fautores licitis venor, honoro, modis.
Quos inter vobis hoc defero carmine primas:
Elevet extorrem IOVA, secundus ero.

DOMIN.



DOMIN: I. Adventus. Matth. 21. Feci REGINOPOLI.

PHarmacon agrotis REX hic, Thesaurus egenis,
Anchora jaētatis, Antidotumq; neci est;
Secreti interpres. Intactus fidere fastus,
Sceptra micant Verbo; plebs pia, civis ovat,
Sunto Scholæ cordi, Templi reverentia gliscat,
Spinofum generet ne fata palma rubum.

DOMINIC: II. Adv. Luc. 21. F. AMBERGÆ, Palat.

Certa dies, incerta nimis volat hora supremi
Judicij; hinc vigilum sit tibi cura precum,
Impius exiguum pœnæ hîc tolerare gravatur,
Plagarum moles sub styge quanta fremet!
Discute, spei baculo, mœrores, dedite CHRISTO;
Æterni ut VERIS cantat Alauda melos!

DOMINIC: III. Adv. Matth. 11. F. ELBANGÆ.

VEra parit capitale odium confessio; præcox
Noxia judicium semina litis alit,
Es νόρῶνας fatui prætextus scandala; CHRISTUM
Aspectus Servum judicat, acta DEUM.
Ne peregrina fides; propriæ fiducia salvat;
Tantaleis, dubitat quisquis, inerrat, aquis.

DOMIN: IV. Adv. Joh. 1. F. ANSPACHH.

PRomeret orcinam vetiti ardor honoris abyssum,
Expulsus veri trans mare plangit amor,
Quem ferit ambitio, trepidâq; professio mente,
Præscripto PRODROMI tela repelle modo.
Foetores animæ crucefixi proluit agni
Sanguis, at extremam fusilis unda cutim.

DOMINIC: Latare: Job. 6. F. NORIBERGÆ.

CEntupla fonte boni stagnans benedictio victus,
Postulat instantes (sobria vota) preces.

At nunc raro preces cordi, jejunia raro!

Dum fera tartareus pectora luxus agit.

Ergo dum languet pietatis pristinus ardor,

Auguror hinc animæ non procul esse famem.

DOM: Vocem Jucund: Job. 16. F. EGRÆ Bohem:

Ingenij vulgo monumenta stupenda; profundæ,
Si quicquam, res est ingeniosa preces:

Procedunt cæssim mihi Rhamnufidis astro;

Cum tonat, è buccis quod volat, aëra trahit.

Flaminis ergo fides septena Porismata sancti

Consule; fata dabunt, quod pia vota petunt.

DOM: Exaudi Job. 15. & 16. F. In THERMIS CAROL.

Plus hominem terret nec-opinæ turbo procellæ;
Prædicti quoniam mitior aëra mali.

Post varios casus (rumpantur ut ilia DITI)

Martyrio niveis salvus ovabit equis.

Sanguine peccati quæ parta remissio CHRISTI est,

Signati & nostro sanguine nempe par est.

FESTO PENTECOSTES. Job. 14. F. PILSÆ: Boh:

HAud despondendæ tristi formidine vires,

Bis-geniti desit sicubi forma DUCIS.

Luce novâ, subigensq; pio præcordia tractu

Præstat adoptivis SPIRITUS-ARRHA vices.

Hospes amoris-fluo prægnantia viscera motu

Intrat & Eloquiis tecta sacrata sacris.

Aliter F. JENÆ.

Misso promissum redimit, solamen in arctis,
Et Doctor veri, Flamen ab axe venit.

Post-

Postpositis, animæ latebras quia diligit, aulis;
Imperium CHRISTO spirituale parat.
Exulat hœc census, metus, arma, tyrannis, egestas:
Uncti supplicius nomine, tutus ovat.

FERIA. II. Pentecost: Job. 3. F. NAUMBURGI.

EXitij (naturâ) hominum genus innatat undis;
Numinis auxilium contulit almus amor.
Profuso GNATI nitatur sanguine, quisquis
Æternæ in Cœlis præmia sedis avet.
Lucifugæ in tenebris scelerum meditantur abyssos;
Largitur pietas lucis amica POLUM.

IDEM verbis al: F. LIPSIÆ.

LEthiferis hominum totus grex mergitur undis;
Eripit hœc barathro Gratia sola Dei.
In roseo unius requiescat sanguine CHRISTI,
Sidereæ quisquis sedis amore flagrat.
Facta tenebrarum marcent, quia conscia pravi:
Lucis opus mentes arguit esse pias.

FERIA TRINITATIS; Job. 3. F. IGLAVIÆ, Moravorum.

IMpia salvificam contra dictamina mentis
Colluvies Cynico lancinat ore fidem:
Immò Deum (furiale genus!) magnalia tricis
Equiparat superâ nî radiata face.
Sollicitus vitæ, renoveris corde, futuræ:
Haud agit in putri vivida carne salus.

DOMIN: I. TRIN: Luc 16. F. ZNÆMÆ, Mor:

NE nimum regale ferens Diadema superbi;
Sors quia funestas replicat atra minas.
Pauperie pressos sannis quæ lingua molestat,
Æternum Stygijs ignibus usta gemet.

Ufus opum laudem, fovet ingens crimen abusus:
Ornat ut hic vitam, sic trahit ista necem.

DOM. II. TRIN: Luc. 14. F. VIENNÆ.

Quem benefactoris penès exornanda senescit
Gratia, Virtuti vim sine jure parat.
Spe sine decumbit reditura peste salutis,
Porrectam quisquis spernit egenus opem,
Præstat in oblatam cumulare Encomia Coenam;
Gratia mortiferam causat adempta famem.

DOM. III. TRIN: De ove perd: Luc. 15. F. LINZII: Austr:

UT cum desertis vaga currit ovicula sylvis,
Non potis est notum repperitisse gregem.
Ductilis errorum funesto ita turba capistro,
Ceu sævis rapimur per vada cæca notis.
Obsequio placidos polico commendat ovili
Upilio; duros improbitate stygi.

DOM. IV. TRIN: Esot: Mis: Luc. 6. F. SALISBURGI.

Divinae cumulat meritas imitatio laudes
Virtutis, Cygno sed mage rara nigro,
Quisquis ad alterius lynx est peccatula, more
Cæcutit talpæ crimine sæpè suo.
Dum struis incauto dubij gradualia lapsus,
Aggreditur fraudis præcipitatus idem.

DOM. V. TR. Ora & labora: Luc. 5. F. MONACHII ad Alp.

TRade manus operi, **DIVAM** conjunge labori;
Juncta salutiferam **DIVA** locabit opem.
Parturit exiguos olei consumptio sumptus,
Prosperitate nisi Numen adauctet opus.
Sit curæ probitas, curæ mens conscia recti,
Cætera Spiritui da peragenda sacro.

DOM:

DOM. VI. De Justit: Pharis: Matth. 5. F. AUGUSTÆ Vindel.

Acta tribunali coram placitura supremo,
Esse decet nullis commaculata notis.

Abstineat ferro quamvis vel dextera furto,

Arguit illiciti prava cupido reum.

At bene! Defectum supplet perfectio **CHRISTI:**

Qua pius è sola justificatur homo.

DOM. VIII. TRIN. De Pseud: Proph: Matth. 7. F. ULMÆ.

Plus hostis ferit arcanus, minus angit apertus,
Hic qua vitari, sed minus iste potis.

In labris titubans pietas exosa, **JEHOVÆ**

Vita voluntati consona, digna Polo est.

§

Actio nî verbis concordet, displicet ipsa:

Salvificæ fidei consona facta placent.

DOM. VIII. TR. De Injust: Oecon: Luc. 16. F. TUBINGÆ.

Suscipe fiderei nutu collata Monarchæ
Munia, furtivis absq; gerenda dolis.

Uritur, innexæ convictus crimine fraudis,

Æternum stygio, cassus honore, rogo.

Dextera, Mammonæ quæ nervis nutrit egenos,

Afflua perpetuis nescit egere bonis

DOM. X. TR. Jesus lacr: Luc. 19. F. STUTGARDII.

Alterius flecti sortis discrimine, constat

Sinceri veram pectoris esse notam.

Nunc, segete scelerum cursus quia languet honesti,

Ad fera degenerat nobilis arma fides.

Scilicet aula pium Paracleti splendida pectus

Damno non est ære locanda lucro.

DOM. XI. TR. De Publican: Luc. 18. F. PFORTZEIMII.

Infectos nævis coeli patet esse Dynastas,

Caligat **JOVÆ PHOSPHORUS** intuitu:

Labi-

Labibus (in proprium blandiri sedula damnum)

Exemptam cur se jactet inanè-carò?

Nota beatorum Plutone superbia sedes

Obstruit, ast humilis mens penetrare solet.

DOM. XII. TR. De Mogilalo: Marc. 7. F. TABERNÆ Alsat.

Ad pangenda *DEO* pisces Encomia muti,

Auribus heu surdis ad pia jussa sumus!

Hanc scelerum scabiem veteris contagia Adami,

Egit in optatam Diva medela fugam.

De quo ne bessem Poëane capessit Apollo.

Propritim *MEDICI* quem meret *ALPHA FORI.*

DOM. XIII. TR. De Samar: Luc. 10. F. HAGENO Æ.

Orcica terricolas infestat Hyena cohortes,

Letiferoq; Deum territat ense genus:

Nec versuta pavet cerebri commenta; sed horret

Sanguifluæ (pejus diplade) fistra trabis.

Lumina quisquis in hanc, quisquis defixerit aures,

Præda Gehennali non erit ille lupo.

DOM. XIV. TR. De Leprosis. Luc. 17. F. SEBUSII.

Pracipua est morbi patefactio causa salutis,

Proxima Apollinæ sedula cura dosis.

Sordida sentiscit mens ulcera peccatorum,

Quæis parat emplastrum Pharmacothéca *POLI.*

Debita sed postquam Meditrinæ gratia languet,

Vergit in æternam sumpta medela necem.

DOM. XV. TR. Nemo duobus: Matth. 6. F. SPIRÆ.

Quid? Generis quem cura coquit tam calda ferini,

Juscula filiolis deneget ipse suis?

Parce, simul victus fodicat diffidere; faustum

Sortitur finem rarò sititor opum,

Furibus

Furibus ac tincis cumulas æs: Chrimata celo
Dispice quæ resident, terrea CROESUS eris.

DOM. XVI. TR. De Vidua in Nab. Luc. 7. F. HEIDELBERGÆ.

Fit via vi Verbi vitæ, reparatio cuius
Peccati osores postulat hîc animos.
Ut brumale gelu Veris dulcedo levare,
Tormina sic leti spes solet aucta DEO.

Cautè age. Nam lubrica est salebrofæ semita vitæ
Æternus sequitur fata scelesta dolor.

IDEM aliter: F. SERVESTÆ.

Dum jugulat mors atra pios, (sit gratia dicto)
Inducor mutos fingere sæpè DEOS.
At malè-dispositæ pereant phantasmata carnis!
Numen adesse levis passer, & herba probat.

Dulce mori est sanctis; aliud quia Regula seclum
Astruit exemplo hoc, cur timeam ergò mori?

DOM. XVII. TR. De Hydrop: Luc. 14. F. FRANCOFORTI ad Mœn:

Obsita damnosis fallax quia concio technis;
Provida commissum cura gubernet opus.
Turpe, salutiferâ ægrotos privare medelâ,
Quam præstare feris Sabbatha sancta jubent.
Extolli satagis? tumidos deponito fastus:
Mergitur immenso turgida cymba salo.

DOM. XVIII. De Max: Præcept: Matth. 22. F. HANOVIAE.

Inq; DEUM, inq; homines bifidæ completio Legis
Est amor, ast hominum, quis, rogo, præstat cum?
Tota penès genium residet corruptio nostrum,
Quâ rubet errorum, fex odiosa, seges!
Fallere Primores satagunt, falluntur at ipsi:
Sic terit hostiles Diva SOPHIA dolos!

B

DOM.

DOM. XIX. TR. De Paralyt: Matth. 9. F. ASCHENBURGII.

PRisca valetudo peccati labe revulsâ,
Vi redit in fragiles cunctimedente fibras.
Plebs ovat applausu Medico; sed murmure Scriba
Oggannit, duci visus honore DEI,
Nugatur. Quæ sæpè viris abscondita vafris,
Plana pijs animis, simplicibusq; patent.

DOM. XX. TR. De Veste Nupt: Matth. 22. F. DURLACII.

UNio cum CHRISTO est speratæ cardo salutis,
Quâ negat exclusis cælica tæda chorum.
Syndone qui fidei conviva triumphat amictus,
Transit inoffenso Tartara mœsta pede.
Gratuitum decus est, gratus venerare datorem;
Utq; tibi decus hoc augeat usq; roga.

DOM. XXI. TR. De Regio. Job. 4. F. HERBIPOLI.

QUum Iuifer cellas Regum quatit ÆOLUS arces,
Itur in ardentes, cætera rarò, preces,
Pristinus at (ductu fidei) vigor occupat artus,
MESSIÆ promptâ mox reparatus ope.
Aureus ô Divûm nimbus! Quo lota triumphat
Natio Christiadum: cætera præda stygis.

DOM. XXII. TR. De Servo infid: Matth. 18. F. KITZINGÆ.

DElinquis quoties scuticæ cum verbere JOVA
Intonet, ut subitò putrida massa fores!
Cedito Dîjs vindicta, meret patientia laurum;
Clarat & abjectas pacis oliva casus.
Vita vitro similis; Pyliam, cave nutriat iram:
Pectus, adit quod èpis, mutuus odit èpws.

DOM.

DOM. XXIII. TR. De Censu. Matth. 22. F. BAMBERGÆ.

Obfuscando furit radios quicunq; SOPHIÆ,
Rimosis fluidas retibus arctat aquas.
Viscera pellucet. Quot alebat quæstio monstrum,
Corporat incussus Cæsaris ære pudor.
Lex Diadema locat Regi civile, sed unum
Provida Relligio curet ametq; Deum.

DOM. XXIV. TR. De Hemorr. Matth. 9. F. COBURGI.

Conscia mens justi Primas; cutis inde secundas
Sana tenet; pax! Hoc CHRISTUS utrumq; probat.
Cor gemat, ut linguam pudeat delicta fateri;
Legis amaritiam miscet amore DEUS.
Quin rarò in Medico est, morbo relevetur ut æger,
Fortis Apollineâ plus valet arte fides.

DOM. XXV. TR. Matth. 24. F. SALAFELDIAE.

Vaticinam exitij solati mitigat oda;
Aspera prævisi verbera rarò flagri.
Seduci caro prona: Deo constantia natis
Propria, vi cuius durat & usq; viget.
Nulla salus mundo: crucefixum ô pura cadaver
Pectora suffitu nobiliore beet!

FINIS DOMINICALIUM.

CLARISSIMO VIRO

Dn. JOHANNI THOMÆ OBRECHTO,
Sacri Palatij Lateran: COMITI, &c.

Cura caducarum rerum ceu turgida bulla,
Æquoreis pessum fluctibus acta ruit.

B ij

Gloria

Gloria radices nec agit, nec fama profundas,
 Marcescit modò cùm visa vigere fuit.
 Quin ubi flammiferis te laudibus efferat astris
 Vulgus iners, solidum nec capis, umbra decus.
 Non-nemo & Gnatos (posito) amplectatur amore;
 Quis tibi defuncto nuncia læta feret?
 Dispereat tumidos quisquis mercatur honores!
 Ambitio rabidus ceu fugiatur aper.
 Verùm proveniunt rebus modò dicta caducis,
 Plus quibus impuri quam bonitatis inest,
 Fixa sed in terras, nitidissima melcula, **MUSAS**,
 Concava dum Lunæ fabrica, cura nitet.
 Florescunt inter cineres, res cognita docti,
 Vulgatos propter, pignora cara, libros:
 Propter & eximiæ calidum virtutis amorem,
 Gestaq; vitæ complacitura Dijs.
 Quis verò, furijs licet exagitatus acerbis,
 Promerito claros privet honore viros?
 Qui de Virtutis (casus ea nescia) cornu,
PALLADIS & placido manat amore **DEÆ**?
 Mechanici pugnis agitant, sed mente, periti:
 Pugnus ivit cineres, mens Deitate cluet.
 Famam non-nulli scelerata patrando patrârunt;
 Quî priventur eâ dedita turba **DEO**?
 Præcluis ingenti subsistit adorea censu
CÆSARIS, ignavis non tribuenda viris.
 Præcipiti siquidem Republica lapsuû,
 Negligit, Aonias quæ male-sana **DEAS**.
 Debita sudorum quæcunq; salaria doctis
 Erogat, æternâ prosperitate viget.

Percipis

Percipis at tacitus, tacito quid pectore volvam,
Plus quàm devotâ Vir venerande fide.
Arrident varijs diversa; Poëmata cordi
Sunt mihi, sincero corde poësin amo.
Illius in campum quandoq; pericula captans
Excurro, specimen cujus inerme legis.
Plurima privatis latitant mihi condita cellis;
Est ubi, depromam plura, necesse, lubens.
Quocirca, indultu Comitatus jura RODOLPHI,
Jura PALATINI collis & ampla ferens,
Respice te properis adeat ut Epistola velis,
Oratium capiti LAUREA SERTA meo.
Annue, si mereor; tristem spirare repulsam
Nec patere: at rudibus nolo BRABEIA comis.
Speratu dubium, haud licitum mihi desperare:
Aëra non quævis, si proba vota; petunt.
Desperata duplò, (tardis venientia velis)
Plura voluptatis dant alimenta, Vale.

IN CORONATIONIS ACTU ad eundem,
LAURI ore prolata, petitio.

HOnesta FAUTOR prosequor inclute,
HSignanda nigro commate despikor:
Nempè id virorum candidorum,
Haud stolidi gregis ac maligni est.

Proindè, si non legibus absolum,
Nôstiç; tutò gratificarier;

Dignum coronâ judicatum
Ne feriat, prohibe, repulsa.

Polita nullus flagito pocula,
Argenteas non postulo laminas;
Lauri rogo supplex coronam
Cæsarei Comitum Palati.

Specimen profectuum in poetica, à Comit: Palat: ibi-
dem ἀπὸ μνήμης recitari jussum.

Consultum quoniam, **VIR CONSULTISSIME**, nobis,
Affari melicâ præsentem voce Coronam,
Pareo submissus celeri brevitate jubenti;
Ad mea divinæ flexurus verba **POESIS**
Causas, materiem, fœcundos deniq; fructus.
FOEDERIS antiqui numerosa volumina volvens,
Colligo **LEGIFERUM VATEM**, celsoq; **PROPHETAS**
Pneumate, **PSALMOGRAPHUM REGEM**, vatemq; sacratum;
(Enthea lecturis quorum monumenta patescunt.)
FLAMINIS afflatu cecinisse poemata **SACRI**,
Quin **PLATO** Palladiæ statuit cynosura Sophiæ,
Carmina quod sacro mens cantitet acta furore.
Consentit pariter violenti **FICTOR AMORIS**,
Spiritus æthereâ quod sede Poeticus ortum
Excipiat: Rerum Numen quia causa bonarum.
Pigritiæ tamen intereâ, cave, tecta sub intres,
Dulcia qui cupidè modulari carmina tentas,
Sed superûm calido flectas conamine flatum,

Linqvit

Linqvit enim divina pigros elementia inanes.
 Q U O D si naturam lubet explorare Poësis;
 Actibus ars hominum referendis apta vocatur,
 Declarans justam vivendi carmine normam,
 Occupat ingenij primas sollertis ocellus
 Judicium; rerum tenet ingeniosa, secundas
 Fictio: cæcutit, furvis erratq; tenebris
 Isthæc indoctus, quamvis meletemata cudat:
 Lectores remorantur enim, complentq; stupore,
 HINC pater HIPPONIS Libyca Karthagine natus
 DIDONIS nequijt lacrymis effecta retentis
 Volvere, quantumvis certus commenta referri.
 BERSABEÆ DAVID vetito deceptus amore
 Crimen adulterij Solymæâ patrat in aula,
 Conjugium violat, fundum subvertit alius,
 URIAM grave Martis opus, clypeosq; crepantem,
 (Admissum populo facinus ne fortè revelet)
 Occidi positum mandat statione priori,
 Taxandi verò gravibus quia plena periculis
 Libertas, privâ manifestat in arce patratum
 Dedecus, apricis recitans figmenta platéis,
 Fulmina divini narratq; futura furoris,
 Actus coelesti vates spiramine NATHAN.
 Ecce duo, REX, tecta viri tenuere propinqua,
 Hic, inquit, prædives opumq; oviumq; boumq;
 Unius alter ovis delectamenta capeffens,
 Emptam quam tenui potu curabat & esu,
 Quam ceu filiolum gremio gestabat & ulnis,
 Divitis ut multus conviva cucurrit ad ædes,
 Mactat ovem, & dulci solamine privat egenum,

JESSI-

JESSIADES sed ad hæc, furiali percitus irâ
Irrogat æternam furi pro crimine noctem,
Compensare prius quadruplo sublata coacto;
Quâ se voce reum damnaverat inscius ipsum.
Tantas exeruit subtilis fictio vires!
FABULA præstiterit quantum quam finxit Agrippa,
Cujus servavit lapsam facundia ROMAM,
LIVIVS Historici testatur gloria seeli.
Turba rebellis enim postquam primatibus Urbis
Jusserat inferri violatis legibus arma,
Servitij impatiens, proprii cupidissima juris,
Rostra adiens, plebis sic fando molliit iram.
IN ventrem fatuo quondam stimulata furore
Impeteq; effræno simul omnia membra ruebant,
Dux aciei caput, hæc linguam recitare jubebat:
Adjumenta tibi ferimus lapitura quadrigis,
Fercula consumis nostro quæsitâ labore,
Segnis, iners, ignavus, edax, lurco, belluo, gurges;
Excussisse jugum præstat, dominabimur ipsa:
Brachia contactum, digiti palpare recusant,
Lingua negat, gustum, tenebris famulantur ocelli,
Pes negat obsequium, detrectant mandere dentes,
Olfactum nares cohibent, mensamq; palatum;
Quid fit? propositi dum membra tenacia; quæq;
In putridum vergunt, neglecto ventre, cadaver,
Cujus sarcitis viguissent salva lacunis;
Sic nisi turbatae revocatis foedera pacis,
Deflorescetis pariter, pariterq; ruetis.
Nec plus; extemplo furibundus, lite sepultâ,
Disruptas reficit populus cum foedere leges.

Ecce

Ecce quot ac quantis obstant figmenta periclis!
INSUPER ex variæ condita placenta medullis
 Artis, & illustri nitidissima flore corolla,
 Flexanimâ, est de quâ mihi sermo, poëtica, fertur.
 Multiplices vitæ casus declarat, honestos
 Laudibus extollens, inhonestos crimine damnans:
 Ostendens vitanda, dehinc captanda figurans,
MULTIVOLI Rhetor populi sermone polito
 Pectora demulcet, cincinnis undiq; mixtis:
 Haud magis arctatos tenet alma Poëtica campos;
 Æmula concumulat rebus figmenta, vagatur
 Libera, cancellis non indupedita; decoris
 Progreditur numeris, verbisq; licentia major.
 Hanc penès est quoniam sapientia, commoda pleno
 Hinc documenta **SOPHI** consuecunt promere cornu.
GRÆCIA testatrix Musarum Patria: & hujus
 Tres edens libros **STAGIRÆUS** in artis amorem,
QUOS gignat tandem generosa Poëtica fructus,
 Eloquitur docto Venusinus **HORATIUS** ore,
 Et prodesse potest & delectare Poësis,
 Aut simul & jucunda & idonea dicere vitæ.
 Expolit ingenij pulsâ ferrugine dotes,
 Judicij duplicat nervos, animumq; fugatis
 Collustrat fumis, extrorsum viscera vellit,
 Numina, saxa, feras, homines, & flumina flectit,
 Ingenium studio lassum, delassat eodem:
 Dulcius Ambrosio decurrit nectare Vatum
 Sermo, placet, lectus mulcet, repetitus amorem
 Incutit ejusdem gemmis plus lectio prodest:
 Conditus blando capit incrementa lepore.

C

Nam

Nam dum procedunt numerorum vineta catenis
 Carmina, perpetuò varianda vocabla; Poësis
 Interea ignarus vix septem verba profatus,
 Non sine subturpi regerit prædicta pudore,
 Ulla nec agricolæ tam stirps diuturna virebit,
 Suaviter ac suavis modulamina lusa Thalcia.
ORDINE præsentis rerum (proh!) turba superbit
 Maxima, doctrinæ se conscendisse putantes
 Culmina, deproperant submissâ voce legentes,
 Virgula subveriti trepidant censoria taxet
 Turpia ne forsan limis errata severis.
 Unde metus? doctæ contemptu nascitur, artis,
 Cui vigilant curæ Regum de stirpe satorum,
 Quorum delicijs frui (gens sacra) **POETÆ.**
SUB juga fœdifragi soboles animosa **PHILIPPI**
THEBANAS redigens, armis crepitantibus, arces,
 Præstitit illæsas salvis habitantibus ædes
PINDARICAS, propter dulcissima flumina venæ:
 Cætera probra, crucem, flagrum, pars funera passi:
 Pars ab inhumanis emptoribus ære coempti:
 Rumpite, tundite, sternite, fundite, debellate,
PERSICA pugnando quisquis labefecerit arma,
REX ait; altiloqui sed linquite sarta Poëtæ
 Culmina, ne percant ferro prohibete vel igni.
DILEXIT tanquam **VENEREM** Pitanæus **HOMERUM.**
ARCESILAUS, toti quia conducentia mundo,
 Dexteritate gravi concinnans scripta reliquit;
 Infuetus dormire, prius-quàm more notâsset
 Paucula dehinc solito languentis pharmaca somni.
ATTICA TYRTÆUM delegit curia vatem,

MESSE-

MESSENIOS duro qui dux compefceret hoſtes
 Horrida **SPARTANÆ** telluris fulmina bello:
 Miſſio ſucceſſus quæ dum ſortita ſecundos,
 Finito **SPARTÆ** retulit certamine **JURA**:
 Carmine nempè novas depreſſis pectore vires
 Suffecit, carmen pugnantia corda cohorti
 Reſtituit, quò **MESSENIOS** animata peremit;
 Carmine magnanimus victor, non extitit armis.
OBJICIS ORBILIOS? Lacerant qui ſcommate **Verſus**,
 Fulmine qui quatunt placidi domicilia **PHOEBI**,
 Futile bacchantes, non eſſe poëma lucrando
 Conveniens pani, nec nendis veſtibus aptum,
 Riſibus explodunt ſtadium, peſſundare **Vates**
 Turpiter immeritos, ſpreto discrimine, ſueſcunt?
 Noxia nec tantum jactat ludibria vulgus,
 Sed quoq; **PIERIDUM** ſacris vigilare putati.
 Mollia quæ quoniam ſunt fulcimenta labascunt.
 Non quæ concludunt ſaxum vice cordis habentes,
 Pro cerebro fungum, vocites oracula **PHOEBI**,
 Priſcorum potiùs veſtigia ritè ſecuti
 Plana Poëtarum tribubus faſtigia celfi
 Ponamus decoris, celebres prope fixa coloſſos.
 Immò ubi conjiciunt eadem ſentire **PLATONEM**
 Multiplici divos ferientem crimine **Vates**,
 Nugas divendunt, Iſthanc eliminat artem,
 Quæ tragico attonitas, percellit turbine mentes:
 Divorum verò cultui quæ dedita, mores
 Deſcribit Patriæ, pravos emendat, honeſtos
 Suſpicit, Heröas geſtorum nomine claros,
 Extollit, vires animi virtutis amore

Inflammat; templis cœlorum laudibus infert:
 Usum commendat, nocuum condemnat abusum.
PANGERE nonnullos fœdissima carmina Vatum
 Spurcitie, vitij, nauci, plenissima nugis,
 Quæ tenere mala sunt irritamenta iuventæ,
 Objicis? At nævos hominum, non carperis artem,
 Num sacro-sancta nigro scriptura notanda lapillo,
 Hæreticæ quia colluvies meditantur abusum?
 Stirpitis evelli vites patiêre, (**LYCURGUS**
 Traditur Historicis sicut sanxisse) falerni
 Copia sævorum quia suggerit ausa malorum?
 Haud patiêre, Eadem profert responsa Pœsis:
 Usum percipies, vanum si tollis abusum.
HINC apis indè velut fragrantia prata pererrans,
 E spinis dulces succos constipat amaris,
 Floribus & condit suavissima mella nocivis;
 Sic quoq; turpiculis efficta poëmata rebus,
 Obscœnis pariter decurrens fabula verbis,
 Eximios pariunt, cautè modò cognita; fructus,
 Gannitus ideò nulli remoremur inanes,
 Sancti magis Vatum sancto pro jure geramus
 Adversus gemmis indignam bella phalangem.
 Odit nonnunquam quam quis non percipit artem,
 Et quasi spumanti timidus canis oblatrat apro,
TUM quia venandi brevior per carmina famam
 Est modus, ad castas operemur **APOLLINIS** aras,
 Carmina pangendo, bene-olentia thura litando.
 Obscuram quia Relligio est turgescere Musam,
 Nomen enim fatagens turbæ per vela novenæ
 Expandi, quavis prolixam luce capeffit

Mate-

Materiam, curis, pingui, dignamq; lucernâ,
Quâ sibi demereat procerum vulgiq; favorem.
Est secum contenta quidem, non indiga virtus,
Quam præter meritum confert RHAMNUSIA, Lauri:
Attamen ut studiij concedit præmia, calcar,
Si secus, infomnis quis tot traducere noctes,
Ancipiti rerum quis tot discrimina casu
Perferre, aut tantis caput immiscere periclis
Sustineat? Verùm quoniam fastidia gignunt
Ambages, superest medium res occupet ipsa,
Comprobet ac proprijs audita BRABEUTA lapillis.

FINITO ACTU mea GRATIARUM
ACTIO.

Semita virtutum, ac vitæ cynosura beatæ,
Adstata Terrigenis sidera pandit iter.
Quas, tamen occurrunt, sine crimine Religionis
Mittas; nec dignæ, quas fera plaga premat,
Ingratæ sed qui designat crimina mentis,
Exponi meruit piscibus esca sali.
Dixeris ingratum, vitiorum nomina verbo
Dixeris, ingratus crimine quoq; scater.
Barbaricæ assentit discors concordia gentis,
Quin edicta tenent hæc veneranda SCYTHÆ.
Sæva præit feritas nobis exempla, virensq;
Qui data millicuplo reddere suescit ager.
Hostes SOCRATICÆ pudeat probitatis ATHENAS,
Tradere letiferum pro pietate Scyphum.

Quam pietatis amans rostrata ciconia? patres
 Subvehit, ac mortem promit adusq; dapes.
 Gratia susceptis quòd si nequit æqua rependi,
 Quantam concedit fors fluibunda, refer.
GLORIA quapropter rerum prima esto satori,
 Quò viget ingenij vis aliquanta mei.
 Fons opis, unda boni, clementiæ origo perennis,
 Vena fluens modicè da magis aucta fluat.
 Sancta relegatis contexam metra profanis,
 Dispulerit tristes fors ubi cæca notos.
 Exin **MATTHIÆ** Divi, cum fratre **RODOLPHI**,
 Et tritavùm bonitas commemoranda venit.
 Præmia Phæbigenis fuerunt quia tradere, scriptis
 Qui regni callent perpetuare decus.
 Quæ mihi, dum spirem, sit munificentia cordi:
JURATO adversâ nec datur ire viâ.
 Promeritas exinde tibi, **COMES INCLUTE**, laudes,
 Pro mihi collato munere, pectus agit.
 Germinat innumeros victrix ceu **LAUREA** soles,
 Fragrabit gratæ tot quoq; mentis odor.
 Cassa licèt pereant nativo membra calore,
 Cantabunt laudes carmina nostra tuas.
 Numina tabifici dispellant semina morbi,
 Conturbent animum tristia nulla tuum.
 Rusticus ad Regem pauperculus **ARTAXERXEM**,
 Vidit ubi varijs dona coisse locis;
 Nos quoq; demus, ait; gelidasq; ad fluminis undas
 Currit, & exigui muneris haurit aquas,
 Fertq; placètq; ferens. Quin tu quoq; consule **FAUTOR**
 Votula devoto corde profecta boni.

POST-

POSTMODO submissâ reverendis' mente **PATRONIS**,
 Publica res quorum vel **SCHOLA** floret ope;
 Ac reliquis; viridi quorum præsentia ferto
 Comparat indubiam testificando fidem:
 Ingenuas solvo submisso pectore grates,
 Artubus ac animæ mitia fata precor.
 Consona facturus simul ac vocat hora, voluntas
 Vestra citat; nequeam? Sit voluisse satis,
DENIQUE **CHRISTE** hominum Servator & alme Sequester,
 Supplicis ô placidâ fronte capeffe preces.
 Intima tu penitæ scrutaris scrinia mentis,
 Scis quoq; quo hæc veniant pectore vota mihi,
 Pectore non falso, non linguâ fraudibus aptâ:
 Concepit hos gemitus intima fibra tibi.
 Salvifico foveas Præcones dogmate, Tempa
 Adversus rabidos contueare lupos.
 Pestiferæ reseca cultores Hæresis, Orco
 Noxia spargentes Schismata, plecte viros.
 Educet illustris sanctos **ACADEMIA** coetus,
 Illius & toto splendeat orbe jubar.
 Justitiæ vigeat reverentia, pœna nocentes
 Comprimat, at maneant debita dona pios,
 Viribus hostiles incurfus pelle supernis,
 Civica ne subeat perfida tela cohors.
 Adversus Proceres si conspiratio gliscit,
 Detege, compositâ da quoq; pace frui.
 Cælica conjugio præsit benedictio vinctis,
 Terreat haud nostros pestis acerba lares.
ALSATICAS annona plagas largiffima mactet,
 Copia proveniat frugis & ampla meri.

Polli-

Pollicitus tandem mœrorum valle sepultos
Suscita; & ætheræ da mihi ferta Scholæ.
Sancta Monas gemitus attentâ mente precantis
Suscipe, & ô votis annue *Sancta Trias!*

Actum ARGENTINÆ.

Authoris de se. Feci WEIDÆ, palat:


Culturam ruris fitit hic, præpinguis inescat
Hunc belli reditus; tenuis spes nixa lucello,
Tradit ad ÆTHIO P E S reliquos INDOSq; ARABESq;:
At, quibus incalui sunt sacra Poëtica Vates,
ARCADE sim rudior quamvis, tamen excolo jure;
LAURIFER ignavum ne me pecus aiat OBRECHTUS.

ADMONITIO ad puerum tardioris ingenij.
Feci LUTITZI Boh:

Cochlea quantumvis lento prorepere gressu
Nata sit, at spacium conficit illa suum.
Ingenio pariter tardus, modò sedulus orsum
Tractet opus, fructus sentiet ille bonos.

Loco ÆNIGMATIS: Quot pedum hoc distichon^s
Feci KUTTENBERGI Bohem:

Mille boves pasco, vitulûm sex millia mille,
In vitulo muscæ quolibet octo sedent.



ULB Halle
002 677 830

3



56


Nv 1999

(1/69.)

VD 17







Farbkarte #13

B.I.G.



LI QUARTUS
 inens
 CHA DO
 CALIA,
 m Miscellaneis;
 PLISSIMIS
*rimarumq; rerum usu, atq;
 statis: Dn. Dn.*
 FRIDERICO
 NBERGERO.
 MILAGIO.
 I PRINCIPIS AC
 MINI,
 NI Senioris, PRIN-
 NI, COM: ASCAN:
 NB. ET SERV.
 TARIO.
 ERNB. PRÆFECTO. } Fidelis.
 CATUS *ecclæ*
 RELIO, olim Pöllingensis in
 nunc Nobilis: ERLACHIA-
 s Ephoro, Exule, P. C.
 M. DC. XXVIII.